



**Philippi Ecclesiæ Eystettensis XXXIX. Episcopi. De
Eivsdem Ecclesiæ Divis Tvtelaribvs. S. Richardo. S.
Willibaldo. S. Wvnibaldo. S. Walpvrga. Commentarius
nunc primum evulgatus**

Philip *<Eichstätt, Bischof>*

Ingolstadii, 1617

Capvt Qvartvm. Quid Henricus Pantaleon, & Franciscus Irenicus Nouatores
de Aureato scripserint.

[urn:nbn:de:hbz:466:1-70477](#)

CAPVT QVARTVM.

*Quid Henricus Pantaleon, & Franciscus
Irenicus Nouatores de Aureato
scriperint.*

HENRICUS PANTALEON in opere Germanico, quod inscripsit, das Haddenbuch/ hoc est, libru Heroum, valde suauiter de Aureato delirat. Ait, Willibaldum vel Svviggerum Comitem Hirsbergensem, excidisse querctum iuxta Arcem Nassofelsiam, & ibi adificasse Monasteriolum Aureatum dictum. Quis verò veterum huius rei Auctor? nam vt tibi tam nouo Nouatoris fidem habeamus, sine veterum testimoniiis, id nunquam à nobis impetrabis*. Nullus ex antiquis vñquā scripsit, S. Willibaldum consedisse Nassofelsij, condito ibidem cœnobio, priusquam ad Almonem seu Altimylam fluum migraret, ibi que Monasterium exstrueret: multò minus à quoquam proditum est, Monasteriolo iuxta Nassenfelsiam Arcem exstructo, *Aureati* nomē inditum fuisse, quia ipsum Nassofelsium, etiam longè ante S. Willibaldi tempora, *Aureatum* appellabatur. Videtur Pantaleon existimasse, Arcem, Nassofelsiam eodem loco esse, quo est Eichstadium; sed fallitur; cum aliquothoris inde distet. A beat ergo eo, vnde venit, hoc Monasteriolum, non Nassofelsij, sed in cerebro Pantaleonis adificatū. Qui addit Willibaldum, quercto probè exciso, extruxisse ibi Monasterium Benedictinorum, nomine *Altimili* pulchrè profecto. *Altimili* seu *Almonius* fluuius est, qui Monasterium illud præterlabebatur, quemadmodum etiam hodie præterlabitur Eychstadium. Fluminis nomen impenitè imponit Monasterio; & perinde facit ac si diceret: *Domus Petri iuxta Constantiam est Monasterium ad Rhenu,* ergo

ergo vocatur Rhenus. Inferior Altaicha in Bauaria est Monasterium ad Danubium; ergo vocatur Danubius. Monasterium Benedictinum à S. Willibaldo exstructum, non aliud, quam Eychstadij nomen habuit, à primo statim ortu suo; & inde ad ciuitatem ex Monasterio prognatam transiit.

Posthęc, inquit Pantaleon, ibidem condita est ciuitas, à succisis quercubus Eychstat nominata. Posterior fuit ciuitas Monasterio; & per consequens, posterius quoque nomen Eychstadij, ciuitati impositum est. Laudo tamen Pantaleonem, quod suo in Heroum libro etiam Episcopis Eychstettensibus locum concesserit; & quidem ea benignitate, ut licet eorum Indicem continxisset, deinde tamen separatim de quibusdam scriberet, ut de Vdalfrido IX. Episcopo, de Reginoldo, de Heriberto, de Gebhardo, postea Pontifice Maximo, de Gundackaro, de Ioanne 38. Praefule, de Friderico IV. deniq; de Wilhelmo à Reichenau. Iltis omnibus peculiaris sedes & statio inter Heroas tribuitur. Non culpo, laudo magis. Illud querere lubet, ex Pantaleone, an in tota serie Episcoporum Eystettensium vsq; ad Illustrissimum Martinum à Schaumberg (eò enim Catalogum perduxit) aliquem Lutheranum Prædicantem aut Zwinglianum Ministrum inuenierit, aut qui eius fidei fuerit, quæ à Luthero, Zwinglio & Calvinio tradita est?

Franciscus Irenicus lib. XI. Exegeseos Germaniae ita scribit: *Aureatenses Bauarii sunt incolæ regionis iuxta Eichstadium, ubi Reliquie S. Valpurgis sunt. Sic Celtes lib. 2. Odarum.*

*Aureatensis decus omne terræ
Virgo, qua pulchra rigat arua valle*

BB 3

Almo-



*Almonis, eunctos superans sapore
Flumine pisces.*

Istis ergo Aureatensis terra est tota dicitio circa Eystadium. Sed unde *Aureatensis* vox & appellatio? utique ab *Aureato*. At ubi hoc *Aureatum*? Id isti non explicant. Nec est insolitum, ut à loco aliquo toti territorio nomen veniat. Quid mirum ergo, si & ab *Aureato* totus ille Tractus, qui usque ad *Almonium* flumen, Eystadium versus protenditur, *Aureatensis* appellatus sit.

Pergit Irenicus. *Aeneas Sylvius in Epistola de laude Germanorum*, vocat Eychstadium *Dryopolim*, *donum regis duxis;* *quæ mœws, à quercu & ciuitate.* Idem ab aliis quoque factum scio, nec admodum inscitè, ceterum usitata nomina retinere semper melius est; nam quid, & ubi sic Eychstadium, non sunt pariter docti & indocti *Aureatensis* terræ indigenæ. At si scisciteris, ubi sit *Dryopolis*, non tantum illiterati, sed & multi ex literatis sibi nihil de hacc iuitate constare, palam profitebuntur.

Alij, inquit Irenicus, *Eichstadium* quasi *Edstadium* à solitudine dixerunt, & à S. Willibaldo in deserto degente, principium duxisse. Hoc posterius verum est; nam *Eichstadium* debet suam originem S. Willibaldo. Illud de *Edstadio*, quasi à solitudine deducto, commentis annuero, quia veteres à succisis quercubus nomen impositum constanter tradunt.

Ilic, nempe Eychstadij, inquit Irenicus, *omni miraculo B. Walpurgis clarior coruscat, è cuius sepulchro oleum distillat.* Hoc elogium è pluris pendendum est, quia venit à Prædicante; Fait enim Irenicus quinti verbi tubicen. Quare quod B. Walpurgam laudat, quodq; miraculum olei agnoscit, in eo genium *Prædicanticum* supē-

superauit, qui in celebrandis sanctis Virginibus valde
parcus & restrictus esse solet.

CAPUT QVINTVM.

De Aureatensis Episcopis.

AICHSTADIANI Antistites crebro etiam *Aureatenses* appellantur; vel quia à multis creditum est Aichstadium esse vetus *Aureatum*; vel quia totus ille tractus, qui est à Nassenfelsio, veteri *Aureato*, *Aureatensis*, à primaria vrbe olim nuncupabatur. Quo in Tractu cum Episcopi Eystettenses domicilium habeant, & resideant, iure etiam *Aureatenses* audiunt: Quod Conrado Celta & Irenico placuisse videtur.

Nec est quod quis dicat; *Aureatensis* Episcopos ante euersionem vrbis, & multis annis ante S Bonifacij & S. Willibaldi in eas oras aduentum; nam hoc iam alibi reiecimus, nec ullo vel in speciem verisimili argumento demonstrari potest. ut nec illud Pantaleonis plasma, ad Arcem Nassenfelsiam à S. Willibaldo Monasteriolum, cui nomen *Aureato*, exstructum fuisse, & inde Episcopis *Aureatensis* appellationem fluxisse.

Illud tamen exploratum est, vicinum Neoburgum ad Danubium suos Episcopos habuisse, usque ad annum Redemptoris D C C. L X X I I. quo Man-
no Ecclesiae Neuburgensi præcerat; & in Coacilio Dingolfingensi primas inter omnes præsules tenebat. Hic tamen Episcopatus postea desit; nam post Man-
nonem nulla ullius Neuburgensis Episcopi mentio exstat, & Diœcesis magna pars Augstanæ Vindelicæ coniun-